

atu me kitea ka akavaia ia. Tera te utunga \$40, \$2 moni e \$18 pae apinga na te tangata nana te apinga i keia ia ra, \$2 no te ture ia \$18 pae apinga.

9. *Ture no te ta tangata.*—Mai te vaine mai te tangata tupu mai te tamaiti me tae te toto ka akavaia ia. Tera tana utunga e \$10, e \$2 i te aka tumu e \$8 te pae apinga kareka tei ta e mate rava atu auraka e rapurapu i te akautunga ko ia katoa tei ta i te tamaiti i roto i te kopu ka vao e uipa mai nga Kavana ma te ui Ariki e kimi mari e te utunga e tau.

10. *Ture no te akaruke vaine e te akaruke tane.*—Auraka te metua e tapu i tana tamaine mei te mea e. E Tane tei akaruke i tana vaine mei te mea e. E vaine tei akaruke i taua tane ka akavaia ia. Tera te utunga \$20, \$2 moni i te akatumu \$18 te pae apinga.

11. *Ture no te vaine nui.*—Kia nui tetai vaine mei te mea e kua nui tikai nana uao o rai e aka kite mai e kua nui aia auraka mai te kiriti i tona kakau me aaki tika mai aia ka akavaia ia. Tera te utunga \$20, \$2 moni \$18 te pae apinga.

12. *Ture no te au Puaka.*—Ravarai mai te mea e kua kai ta tetai tangata puaka i te ane kai a tetai tangata me aere te tangata nana te one kai ikeinga e te puaka ka pati aia i te tutaki ei aka mareka i te tangata nana te manga ikeinga e te puaka e omai te tangata nana te puaka, \$1 me kore ra e pa ite tutaki me oki aka ou mai taua puaka akave aka ou rai taua te tangata ra ia toru kavenga me oki aka ou mai e puke te tangata nana te one kai i pou i te puaka e ta reira ka vai na te tangata puaka tetai pae na te tangata na ana te manga i pou.

13. *Ture no te pere.*—Me kitea tetai aronga te pere ra i te pere pere parau ka akautungaia ia. Tera te utunga \$10 ana utunga \$2 moni e \$8 pae apinga.

14. *Ture no te Oire.*—Me kake tetai uki e tetai vaine e te mataara mekitea are e rama i te rima kare e akava i te arataki ka akavaia ia, \$10 ana utunga \$1 moni \$9 te pae apinga.

15. *Ture no te tungi Are.*—I te me tungi tetai tangata i te Are o tetai tangata me kitea ka akavaia ia. Tera te utunga \$25, \$10 moni \$15 te pae apinga.

16. *Ture no te kaa kainga.*—Kia rave tetai tangata i te kainga o tetai tangata e tupu atu ra te pekapeka ia raua e kitea i ora tei reira e te tangata raverai e te maro anga tetai e tetai e aere te akava e kimi i te tu o taua kainga ra e kia kitea te tangata nona taua kainga ra e o atu nona auraka e maro tetai e tetai na te ture e kaa i taua kainga ra kia ngi tetai e tetai e kia kore ra e mareka kia ta ra raua tetai auraka tei ta atu i tetai i ta mai iaia na te ture e apai ia raua i te akava anga e \$20, te utunga \$4 moni \$16 te pae apinga.

17. *Ture no te tungi Maunga.*—Kia tungi tetai tangata i te Maunga, me kitea ka akautunga ia \$60, taua utunga e \$10 e \$50 te pae apinga.

18. *Ture no te keia Oroenua.*—Kia kitea tetai tangata i te keia i ta tetai Oroenua mei te mea kua apai i te ta au me kitea e te akava ka akavaia ia. Tera te utunga e \$10, \$3 moni e \$7 te pae apinga.

19. *Ture no te okooko apinga.*—Kia inangaro tetai tangata i te okooko apinga mei ta te papaa apinga e tuku i te rima o te maori na te maori e oko ua tika ia, tera te tu e aere raua na roto i te au o te pekapeka aea raua a muri atu no ta raua angaanga poiri amuri atu kia kore ra raua e aere i te au ka akavaia raua. Tera te utunga e \$10, \$2 ta tetai pera rai ta tetai e tetai.

20. *Ture no te tata tatau.*—Me tata tetai tangata e tetai vaine mei te mea e na te tane akature me kitea ka akavaia ia, raua. Tera te utunga e \$15, \$2 moni \$13 te pae apinga.

21. *Ture no te Ra Sapatu.*—Kia aere tetai tangata e tetai vaine e tetai tamaiti na tetai Oire e tatau Oire ma te tumu kore i to ratou aere anga me kitea ka akavaia ia. Tera te utunga e \$5, \$1 te akatumu e \$4 pae apinga.

22. *Ture no te akiri kikino e te viivii.*—Kia kitea tokorua vaine i te tautamaki e tetai me kitea e te akava me kare e matakua ma i te akava ka akautunga raua. Tera te utunga e \$10, \$1 te akatumu e \$9 te pae apinga.

23. *Ture no te kake Maunga.*—Kia kake tetai tangata e tetai vaine i runga i te Maunga ma te akature me kitea ka akavaia ia. Tera te utunga \$20, \$2 moni e \$18 te pae apinga.

24. *Ture no te tane aue i tana vaine Akature.*—Me kitea tetai tangata e tetai vaine i te aue anga i tana tane akature e tana vaine akature me mate ka akavaia ia. Tera te utunga \$15, \$1 i te akatumu \$14 te pae apinga.

25. *Ture no te Veka.*—Kia veka tetai vaine i tetai tane e tetai tane e tetai vaine me kitea ka akavaia ia. Tera te utunga \$15, \$1 moni \$14 te pae apinga.

26. *Ture no te rave i taua tamaine.*—Kia rave tetai tangata i taua tamaine e te tamaine a tona taeake me kitea ka akavaia ia. Tera te utunga e \$10, \$2 moni me aere i Tamarua, \$10 e \$2 moni me aere i Ivirua, e \$10 e \$2 moni. Ka toru \$30 te katoatoa e \$6 moni \$24 te pae apinga.

27. *Ture ko Puaka.*—Me ko tetai tangata e tetai vaine e ta tetai Puaka maori e te Oroenua e te Puakatoro e te au ravarai mei te manu ori aere ua are e tumu i ko ai, mai te mea e i roto te Oire i te kainga e te ngai manga are ra i kai i te manga ka akavaia ia. Tera te utunga \$10, \$2 moni \$8 te pae apinga.

28. *Ture no te tapepe pikikaa.*—Auraka tatou i matau i te ia angaanga me keia e mau tikai te meitaki, auraka e tapepe ua me pera tatou are i mau meitaki auua mai te mea are toou mata i kite ana e tara ua ra ia mau tikai me tapepe ra te tai tangata ka akavaia ia. Tera te utunga e \$5, \$1 moni \$4 te pae apinga.

29. *Ture no te apinga topa.*—Kia akauka tetai tangata i tona apinga ia ra e tetai tangata i te ngai i topai auraka aia e uuna kia uuna aia ka akavaia aia. Tera te utunga \$5, \$1 moni e \$4 te pae apinga. Ka ote te apinga ki te tangata nona apinga.

30. *Ture no te Au e te Akava.*—Ko te tangata e to i te Au i renga angaanga e te akava ka akautungaia aia. Tera te utunga e \$5, \$1 moni e \$4 te pae apinga. Nara ra me rave ua te akava i te angaanga ma te rave kino e te tangata ara ka ara katoa aia.

Ko nga Ture teia o Mangaia i mua ake i te ra 4 o August, 1891.

John, Ariki.
Ngariu.
Kiriiti.
Ata.

Vaipo.
Pute.
Turoua.
Nooroa, Ariki.